

DEKLARATË

Drejtuar: **Presidentit të Republikës: Z. Bujar Nishani**
Kryeministrit: Z. Edi Rama
Kryetarit të Parlamentit: Z. Ilir Meta
Komisionit Parlamentar të Shëndetësisë dhe Ligjeve
Ministrit të Shëndetësisë: Z. Ilir Beqaj
Ministrit të Drejtësisë: Z. Ylli Manjani

Duke marrë shkas nga proceset e shumta gjyqësore apo arrestimet ndaj mjekëve në vitet e fundit, ne mjekët, të përfaqësuar nga shoqatat e mëposhtme, ju parashtrojmë sa më poshtë:

Në legjislacionin penal shqipëtar, në nenin 96 të Kodit Penal, është parashikuar vepra penale e “Mjekimit të pakujdesshëm”, e cila parasheh se:

*“Mjekimi i pakujdesshëm i të sëmurëve nga ana e mjekut ose e personelit tjetër mjekësor, si dhe moszbatimi i terapisë ose i porosive të mjekut nga personeli mjekësor apo farmacist, kur ka shkaktuar dëmtimin e rëndë të shëndetit, ka rrezikuar jetën e personit ose ka shkaktuar vdekjen e tij, dënohet me gjobë ose me burgim deri në pesë vjet.
Po kjo vepër, kur ka shkaktuar infektimin e të sëmurëve me infeksionin HIV/AIDS, dënohet me burgim nga tre deri në shtatë vjet”.*

Sipas këtij neni, kjo vepër penale trajton pakujdesinë e mjekëve apo të personelit mjekësor/farmacit në kryerjen e detyrës së tyre, në rastet kur përballemi me dëmtim të rëndë të shëndetit të pacientit, rrezikohet jeta e tij apo në rastin më fatkeq, shkaktohet vdekja e pacientit. Kuptohet që këto pasoja të rënda në shëndetin e pacientit duhet të jenë shkaktuar nga veprimet apo mos veprimet e mjekut dhe janë rrjedhojë e drejtpërdrejtë e tyre.

Në botë, çështjet e pakujdesisë mjekësore janë çështje civile, ndërsa në Shqipëri janë penale. Pse “Pakujdesinë” në Kujdesin Mjekësor, bota e trajton si çështje civile?

Pasi çështjet civile, në dallim nga ato penale, kanë nivel të ulët prove, dhe ketu hyn edhe mjekësia, e cila nuk është një shkencë e saktë. Mjekimi i pakujdesshëm kurrësi nuk mund të përdoret si baza e nje akt-akuze, përndryshe do të futeshin në burg të paktën njëherë gjatë jetës gati 50% e mjekëve dhe kryesisht ata të rinj. Në trajtimin e rasteve të tilla, Shteti dhe Ligjbërësit duhet të marrin parasysh edhe interesin publik. Shqipëria sot ka rreth 3.4 mjekë për 1000 banorë (gati 3 herë më pak se mesatarja europiane). Mjekët klinikistë do të humbin kështu lirinë në diagnostikimin dhe trajtimin rutinë të pacientëve dhe sidomos të atyre me rrisht të lartë. Pra sistemi shëndetësor shqipëtar është i dobët për të përballuar këto goditje.

Nga ana tjetër, në legjislacionin tonë penal, nuk parashikohet deri më sot asnjë përgjegjësi konkrete penale për vetë institucionin mjekësor dhe sistemin ku mjeku ofron shërbimet mjekësore. Kodi Penal i Republikës së Shqipërisë, përjashton automatikisht nga përgjegjësia institucionin mjekësor dhe sistemin e ndërtuar prej tij edhe në kushtet kur kemi të bëjmë me gabime të sistemeve shëndetësore, pra gabime të cilat rezultojnë gjatë zbatimit të rregulloreve apo urdhëresave të cilat dispiellojnë shërbimet mjekësore.

Nuk mund të pretendohet të gjendet përgjegjësia penale në çdo rast vetëm tek mjekët, të cilët në të gjitha rastet fatkeqë të ndodhura në spitalet dhe institucionet shëndetësore, janë të vetmit të cilët hetohen, ndalohen dhe madje arrestohen nga ana e Prokurorisë, sikur të ishin kriminelë të rëndomtë, në kushtet kur këta mjekë janë duke ushtruar detyrën e tyre dhe përveç rasteve të veprimeve dhe neglizhencës të rëndë e konkrete tek pacienti, nuk mund të jenë përgjegjës edhe për vetë funksionimin e sistemit.

Ashtu si edhe në legjislacionin e vendeve të përparuara (në sistemin e të drejtës si dhe në fushën e mjekësisë), nga ana jonë gjykohet i domosdoshëm rishikimi i legjislacionit penal në këtë fushë kaq sensitive për publikun dhe kaq të prekshme për vetë mjekët, për shkak edhe të ngjarjeve të fundit të ndodhura, lidhur me hetimin dhe ndalimin e mjekëve, pavarësisht përpjekjeve dhe zbatimit të protokolleve prej tyre.

Sjellja përpara përgjegjësive konkrete penale/administrative të institucioneve mjekësore, të Spitaleve e personave juridikë, për mos funksionimin dhe mos garantimin e funksionimit të sistemit, është tashmë një domosdoshmëri dhe për këtë shkak paraqesim kërkesën tonë për krijimin e normave konkrete të së drejtës penale, për ndëshkimin e këtyre rasteve në të ardhmen, duke u qartësuar dhe ndarë sakaq përgjegjësitë midis institucionit mjekësor e sistemit të garantuar prej tij, dhe mjekut konkret. Në të kundërt, vijimi i punës nga mjekët, nën një klimë gati terrori dhe kërcënuese për lirinë e tyre, është i pamundur dhe me pasoja po kaq të rrezikshme për shëndetin dhe jetën e pacientëve.

- | | |
|---|------------------------------|
| 1. Shoqata Shqipëtare e Mjekësisë Perinatale | Prof. Orion Gliozheni |
| 2. Shoqata Shqipëtare e Obst. – Gjinekologjisë | Prof. Nikita Manoku |
| 3. Shoqata Shqipëtare e Kardiologjisë | Prof. Artan Goda |
| 4. Shoqata Shqipëtare e Diabetit | Prof. Florian Toti |
| 5. Shoqata Shqipëtare e Kirurgjisë së Përgj. | Prof. Nikollaq Kacani |

6. Shoqata Shqipëtare e Pediatrië

Prof. Anila Godo

7. Shoqata Shqipëtare e Mjekësisë Interne

Prof. Mihal Tase

8. Shoqata Shqipëtare e Urologjisë

Prof. Flamur Tartari

9. Shoqata Shqipëtare e Laboratorit

Prof. Anyla Bulo

10. Shoqata Shqipëtare e Pneumologjisë

Prof. Hasan Hafizi

11. Shoqata Shqipëtare e Infekto-virusologjisë
(Infektivologjisë)

Prof. Arjan Harxhi

12. Shoqata Shqipëtare e Epidemiologjisë

Prof. Enver Roshi

13. Shoqata Shqipëtare e Kardiokirurgjisë

Prof. Ali Refatllari

14. Shoqata Shqipëtare e Kirurgjisë Plastike

Prof. Gjergji Belba

15. Shoqata Shqipëtare e Imazherisë

Prof. Aqif Gjokutaj

16. Shoqata Shqipëtare e Nefrologjisë

Prof. Myftar Barbullushi

17. Shoqata Shqipëtare e Otorino-Laring.

Prof. Narina Sulcebe

18. Shoqata Shqipëtare e Mjekut të Familjes
dhe mjekut të përgjithshëm

Prof. Vladimir Shyqyriu